



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Qvæstionvm Regvlarivm R. admodum P.
Emanuelis Roderici Lusitani, S. T. Lectoris Prou. S. Iacobi
Reg. Obseru. Ordin. Mino. Diffinitoris**

Rodrigues, Manuel

Lvgdvni, 1621

F.

urn:nbn:de:hbz:466:1-41743

186 FAMILIARES.

poterit iusta causa Religiosum in exilium missum, ab eo reuocare, nisi constitutiones Regulares aliud disponant. *ibidem.*

Monasterium, vbi Monachus exulans commisit delictum, debet præstare illi alimentum, si in aliud relegatur, & ibi detrudatur, aut si quid habet de suo prouideat ei de ipso, nisi fecerit professionem in Ordine capaci bonorum in communi, quia tunc Monasterium, ad quod peruenit hæreditas Monachi delinquentis, debet ipsum alere. In Ordine autem Fratrum Minorum propter summam paupertatem, ministrat necessaria ad Monasterium, ad quod mittitur, *art. 2.*

FAMILIARES.

Vide Interdictum.

L Argè familiares dicuntur, qui cohabitant cum aliquo. Familiares autem Fratrum sunt ij, qui ex autoritate Prælatorū, aut Officialium Conuentuum, toti communitati seruiunt, aut alicui Patri particulari; non sufficit autem quòd Fratribus particularibus seruiant, ex
eorum

eorum libito solùm assumpti. *to. 10.*

qu. est. 67. art. 1.

Possunt Regulares ex iure communi, familiaribus suis, & iis qui in eorum morantur obsequiis, si infirmantur intra septa Monasteriorum, cuncta Ecclesiastica Sacramenta liberè Ministrare; iis autem (licet famuli non sint, neque familiares) quos intra septa Monasteriorum infirmari contigerit; Extremam Vnctionem licitè Monachi dare possunt assensu Parochi, vel Episcopi nullatenus requisito. *ibid.*
ex Privileg.

Famulorum & familiarium confessiones audire non possunt, nisi Religiosi Confessores ab Ordinario approbati iuxta formam. *Conc. Trid.*
ibid.

Quamuis sint famuli illi, qui actualiter seruiunt Monasteriis, nō tamen actualiter seruientes assumpti in fraudem legis, vt supradictis privilegiis gaudeant, iis frui debent. *ibid.*

Famuli Fratrum secundum ius commune in sua parochia debent sepeliri, aut in sepulchro maiorum,
nisi

nisi alibi sepulturam elegerint, possunt tamē, licet sepulturam non eligant, in Monasteriis ipsorum Fratrum sepeliri, etiam Parocho recusante, & tempore interdicti, ac cessationis a diuinis, ea solemnitate, qua sepeliuntur Fratres. *art. 2.*

Seruitores, & famuli, qui Monasteriis actu seruiunt, & intra eorum septa ac domos actu resident subque Prælatorum obedientia viuunt, nequeunt ab Episcopis excommunicari sine speciali mandato Papæ, *Ex concess. Alexandri IV. limitata per Concilium Tridentinum. art. 3.*

FESTVM.

Vide Interdictum.

Possitne Festum corporis Christi à quibuscumque celebrari in Dominica infra Octauam huius solemnitatis, & quonam modo celebrari debeant festa nominis IESU, Sanctorum Bonauenturæ, ac Didaci Ordinis Minorum, Sancti Antonij de Padua eiusdem Ordinis, Sancti Francisci de Paula Fundatoris Minimorum, Sancti Placidij & socio

& Sociorum, Sancti Nicolai Tolentini, Sancti Patri Martyris, ac Sancti Iacynthi, quæ in nouo Kalendario addita sunt, debeantne scilicet ab omnibus fidelibus celebrari, explicat, Pontificumque Bullas allegat *tom. 2. quest. 68. art. 1. 2. 3. 4. 5. 6. 7. 8. 9. 10.*

Sixtus IV. præcepit in Festo Sancti Francisci ob omni opere seruitutis abstineri: at in multis locis non obseruantur, propter vindemiæ tempus. *tom. 2. q. 69. art. 1.*

Nicolaus IV. auctoritate Apostolica constituit, vt Festiuitas stigmatum Sancti Francisci à Fratribus, & Monialibus Ordinis Minorum celebraretur festo duplici. *art. 2.*

Sixtus IV. præhabitis consilio & assensu, & matura deliberatione cum S. Romanæ Ecclesiæ Cardinalibus, ordinauit, quod nullius Sancti aut Sanctæ, Beati aut Beatæ figura aliqua cum stigmatibus depingi possit quouis modo, quo æstimari possit, vel credit illum, vel illam huiusmodi stigmata habuisse, excepta imagine B. Francisci. Idem prohibuit, ne quis in concionibus, vel aliis

alias

alias scriptura, aut verbo asserere audeat, aliquem Sanctum vel Sanctam, Beatum vel Beatam huiusmodi stigmata habuisse, imposuitque grauissimas censuras facientibus contra præmissa, quæ licet ad tempus fuerint suspensæ, nullatenus tamen sunt reuocata, sed in suo robore permanent. *ibid.*

Possunt Fratres Minores solemniter & publicè celebrare Festum quinque Martyrum, *ex concessione Sixti IV.* & festum septem Martyrum, *ex concessione Leonis X.* qui etiam cōcessit quòd Fratres Minores Obseruantia possint celebrare Festa Sanctorum, in quorum honore Ecclesiæ locorum suorum sint dedicata, sub ritu duplicis maioris etsi secundùm ordinarium essent de se simplicia. *art. 3.*

Leo X. concessit Monialibus Sanctæ Claræ sub regimine fratrum Obseruantia existentibus, quòd Festa B. Agnetis & vndecim milium virginum sub ritu duplicis maioris licitè valeant celebrare. *art. 4.*

Quamuis ex permissione, imò
præ

præcepto Ecclesiæ possint Religio-
nes propria Sanctorum Festa cele-
brare, in Officio nihilominus tam
proprio quàm communi seruanda
est forma à Breuiario Romano præ-
cepta. *art. 5.*

Exempti omnes, etiam Regula-
res tenentur seruare dies Festos
quos in Diœcesi sua Episcopus ser-
uandos præceperit, ex *Concil. Trident.*
non tamen Festa per populum vo-
tata, licet Episcopus confirmarit,
quia eiusmodi votum est persona-
le. Teneri tamen etiam possunt ad
hæc obseruanda ratione scandali.
tom. 2. q. 70. art. 1.

Quandoquidem non omnia, quæ
possint fieri gratia necessitatis,
possint fieri gratia, & ratione pie-
tatis, non possunt Regulares in die-
bus festiuis in opere suorum Mo-
nasteriorum, operibus seruilibus
sæculares occupare, vel ipsimet oc-
cupari, nisi aliqua necessitate præ-
sente, vel imminente excusentur;
sed vt licitè id faciant, petere li-
centiam ab Episcopis tenentur

art. 2.

Vide Bona, Exemptio, Vassallus.

Religiosi possunt recipere bona Feudalia & Emphiteutica, modo ad ea onera teneantur, ad quæ donator seu testator tenebatur occasione huiusmodi bonorum; & si ad certum numerum generationum, vel nominationum concessa eis fuerint, per viginti annos pro qualibet generatione retinere poterunt. *tom. 1. quest. 38. art. 2. & 3.*

Non possunt Monachi Feudum recipere, quando seruitium præstandum repugnat Ordini Monachali, nec potest per substitutum præstari, ac proinde est cum illorum statu incompossibile. *art. 3.*

FRA TRES MINORES.

Vide, Hereditas, Ieiunium, Legatum, Mendicitas, Nonitius, Ornamenta, Paupertas, Testamentum.

Fratrum Minorum mendicitas dicitur incerta, quia non habet certitudinem civilem, neque ius, neque actionem in re quæ ipsis elemosy

GENERALIS. 193

mosynaliter datur, quamuis habeat certitudinem probabilem & moralem. Vnde quantumcumque dictis Fratribus iure naturali, vel diuino vel alio, aliquid debeatur pro Missis, Sermonibus, aut aliis exercitiis spiritualibus vel alia quacumque causa non possunt id petere, vel recipere nisi eleemosynaliter, sine vilo titulo iuris ciuilibus; bene autem possunt recipere domus ab aliquibus dominis temporalibus præbentibus omnia necessaria ad victum & vestitum, absque eo quòd ostiatim petantur, quia hæc certitudo est tantum moralis. *tom. 3. q. 3. art. 3.*

GENERALIS.

Vide Electio, Degradatio, Eiectio ab Ordine, Aedificia, Visitatio.

Generalis non potest facere statutum sine Capitulo; sed tantum præceptum eius morte finiendum. Idem est iudicium de Prouinciali, Prouincia, & Ordine, quia sicut Prouincialis non potest statutum condere sine Capituli maiori parte; sic nec prouincia potest statutum facere sine suo Prouinciali.

N

ciali